

**Պ Ա Յ Մ Ա Ն Ա Գ Ի Ր N 3**  
**ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ ԹՈՒԻԶՔԱՅԻՆ ԳՈՐԾՈՒՆԵՈՒԹՅԱՆ**  
**ՀԱՐՑԵՐՈՎ ՓՈՐՁԱԳԵՏԻ ՀԵՏ**

քաղ. Երևան

«09» սեպտեմբերի 2024թ.

Քաղաքացիական ավիացիայի կոմիտեն (այսուհետ՝ համապատասխան մարմին)՝ ի դեմս համապատասխան մարմնի գլխավոր քարտուղար Միքայել Աշոտի Զալինյանի, որը գործում է կանոնադրության հիման վրա մի կողմից, և Դավիթ Իշխանի Ադամյանը, գրանցված՝ քաղ. Երևան, Ֆրունզե փ., շ. 6, բն.10, նույնականացման քարտը՝ 010391118, տրված 003-ի կողմից 14.03.2019թ. (այսուհետ՝ փորձագետ), մյուս կողմից, կնքեցին սույն պայմանագիրը հետևյալի մասին՝

## 1. ՊԱՅՄԱՆԱԳՐԻ ԱՌԱՐԿԱՆ

1.1. Համապատասխան մարմինը փորձագետին հանձնարարում է իրականացնել որոշակի աշխատանքներ, որոնց նկարագրությունը նշված է սույն պայմանագրի 1.3-րդ կետում և պարտավորվում է վճարել նրա կատարած աշխատանքի համար, իսկ փորձագետը պարտավորվում է կատարել հանձնարարված աշխատանքները սույն պայմանագրով սահմանված պայմաններով:

1.2. Փորձագետն անմիջականորեն ենթարկվում է համապատասխան մարմնի նախագահին: Աշխատանքների կատարման վայրն է՝ համապատասխան մարմնի գտնվելու վայրը:

1.3. Սույն պայմանագրով փորձագետին առաջադրվող աշխատանքը ներառում է՝

1.3.1. իրականացնում է վերահսկողություն՝ ստուգումներ Հայաստանի Հանրապետությունում օտարերկրյա օդանավերի թռիչքների անվտանգության գնահատման (SAFA) ծրագրով:

1.3.2. մշակում է թռիչքային գործունեությունը կարգավորող նորմատիվային փաստաթղթեր և նորմատիվային փաստաթղթերի անհրաժեշտ փոփոխությունների նախագծեր:

1.3.3. նախապատրաստում է համախառն համապատասխան մարմնի թռիչքային գործունեության վարչության առջև դրված գործառույթներից և խնդիրներից բխող իրավական ակտերի նախագծեր, առաջարկություններ, եզրակացություններ, այլ փաստաթղթեր, ինչպես նաև դրանց վերաբերյալ մեթոդական պարզաբանումներ և ուղեցույցեր:

1.3.4. իրականացնում է կառամատուցային տեսչական ստուգումներ Հայաստանի Հանրապետությունում գրանցված օդանավ շահագործող ընկերություններում:

1.4. Փորձագետի համար սույն պայմանագրով նախատեսված աշխատանքը համարվում է համատեղությամբ:

## 2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Փորձագետը պարտավորվում է՝

2.1.2. Բարեխղճորեն կատարել սույն պայմանագրով ստանձնած աշխատանքները:

2.1.3. Պահպանել համապատասխան մարմնում սահմանված ներքին կարգապահական կանոնները, աշխատանքային կարգապահությունը:

- 2.1.4. Պահպանել աշխատանքի պաշտպանության և անվտանգության ապահովման միջոցները:
- 2.1.5. Իրականացնել աշխատանքային օրենսդրությամբ, «Հանրային ծառայության մասին» օրենքով և սույն պայմանագրով իրեն վերապահված այլ պարտականությունները:
- 2.2. Փորձագետն իրավունք ունի՝
- 2.2.1. Սույն պայմանագրի 4-րդ կետի համաձայն ստանալու վարձատրություն:
- 2.2.2. Պահանջելու համապատասխան մարմնից ապահովել Հայաստանի Հանրապետության օրենսդրությամբ սահմանված իր հանգստի իրավունքը:
- 2.2.3. Իրականացնելու Հայաստանի Հանրապետության օրենսդրությամբ և սույն պայմանագրով իրեն վերապահված այլ իրավունքներ:
- 2.3. Համապատասխան մարմինը պարտավորվում է՝
- 2.3.1. Սույն պայմանագրի 4-րդ կետի համաձայն վճարել փորձագետի աշխատավարձը:
- 2.3.2. Սահմանված կարգով փորձագետին տրամադրել ամենամյա և նպատակային արձակուրդ:
- 2.3.3. Ապահովել անվտանգ և առողջության համար անվնաս աշխատանքային պայմաններ:
- 2.3.4. Փորձագետին ծանոթացնել կազմակերպությունում գործող ներքին կարգապահական կանոններին, աշխատանքի պաշտպանության և հակահրդեհային անվտանգության ապահովման պահանջներին:
- 2.3.5. Ժամանակին ապահովել փորձագետին անհրաժեշտ նյութատեխնիկական միջոցներով:
- 2.3.6. Փորձագետի անձնական տվյալները մշակելիս պահպանել Հայաստանի Հանրապետության օրենսդրությամբ նախատեսված պահանջները:
- 2.3.7. Իրականացնել աշխատանքային օրենսդրությամբ և սույն պայմանագրով իրեն վերապահված այլ պարտականություններ:
- 2.4. Համապատասխան մարմինն իրավունք ունի՝
- 2.4.1. Ցանկացած պահին ստուգելու փորձագետին հանձնարարված աշխատանքների կատարման ընթացքը:
- 2.4.2. Փորձագետին ներգրավելու արտաժամյա աշխատանքների, որի տևողությունն իրար հաջորդող երկու օրերի ընթացքում չի կարող անցնել 4 ժամը:
- 2.4.3. Իրականացնելու աշխատանքային օրենսդրությամբ և սույն պայմանագրով իրեն վերապահված այլ իրավունքներ:

### **3. ԱՇԽԱՏԱՆՔԻ ՌԵԺԻՄԸ ԵՎ ՏԵՎՈՂՈՒԹՅՈՒՆԸ, ԱՐՁԱԿՈՒՐԸ**

- 3.1. Փորձագետի համար սահմանվում է ոչ լրիվ աշխատաժամանակ: Աշխատանքային օրվա սկիզբը սահմանվում է ժամը 10:00, ավարտը՝ ժամը 12:00:
- 3.2. Փորձագետին Հայաստանի Հանրապետության օրենսդրությամբ սահմանված կարգով տրամադրվում է ամենամյա նվազագույն արձակուրդ՝ 20 աշխատանքային օր տևողությամբ:

### **4. ՎԱՐՁԱՏՐՈՒԹՅՈՒՆԸ**

- 4.1. Սույն պայմանագրով նախատեսված աշխատանքների իրականացման համար համապատասխան մարմինը փորձագետին յուրաքանչյուր ամիս վճարում է հիմնական աշխատավարձ 41 250 (քառասունմեկ հազար երկու հարյուր հիսուն) դրամ:

4.3. Փորձագետին արտաժամյա, գիշերային, հանգստյան և ոչ աշխատանքային՝ տոնական և հիշատակի օրերին աշխատանքների ներգրավելու դեպքում վարձատրությունը սահմանվում է Հայաստանի Հանրապետության աշխատանքային օրենսգրքով սահմանված նվազագույն չափերով:

## 5. ՊԱՅՄԱՆԱԳՐԻ ՓՈՓՈԽՈՒՄԸ, ԼՈՒԾՈՒՄԸ ԵՎ ԴԱԴԱՐՈՒՄԸ

5.1. Սույն պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ բացառությամբ աշխատանքային օրենսգրքով նախատեսված դեպքերի: Սույն պայմանագրի փոփոխությունները և լրացումները կատարվում են լրացուցիչ համաձայնագրերով, որոնք կհանդիսանան սույն պայմանագրի անբաժան մասը:

5.2. Սույն պայմանագիրը լուծվում է աշխատանքային օրենսդրությամբ նախատեսված կարգով և դեպքերում, ինչպես նաև առանձին խնդիրների իրականացման համար պետական մարմինների կողմից փորձագետի ներգրավման կարգի խախտմամբ կնքված լինելու դեպքերում:

## 6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև 2025 թվականի սեպտեմբերի 9-ը ներառյալ:

## 7. ԵԶՐԱՓՈՒԿ ԴՐՈՒՅԹՆԵՐ

7.1. Սույն պայմանագրով չկարգավորված բոլոր հարցերը ենթակա են կարգավորման Հայաստանի Հանրապետության օրենսդրությամբ սահմանված կարգով:

7.2. Սույն պայմանագրով չնախատեսված դեպքերում կողմերն իրենց պարտավորությունների չկատարման, կամ ոչ պատշաճ կատարման համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

7.3. Սույն պայմանագիրը կազմված է երկու օրինակից, որոնք ունեն հավասար իրավաբանական ուժ, յուրաքանչյուր կողմին տրվում է մեկական օրինակ:

Համապատասխան մարմինը

Փորձագետը

գլխավոր քարտուղար  
Միքայել Աշոտի Զալինյան

Դավիթ Իշխանի Ադամյան



  
(ստորագրությունը)



## ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ ՆԱԽԱԳԱՀ

«30» օգոստոս 2024թ.

Հ Ր Ա Մ Ա Ն Ն 456-Ղ

ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ ԹՈՒՉՔԱՅԻՆ ԳՈՐԾՈՒՆԵՈՒԹՅԱՆ  
ՀԱՐՑԵՐՈՎ ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ ԾՐԱԳԻՐԸ  
ՀԱՍՏԱՏԵԼՈՒ ՄԱՍԻՆ


Ղեկավարվելով Հայաստանի Հանրապետության կառավարության 2018 թվականի  
օգոստոսի 2-ի թիվ 878-Ն որոշման հավելվածի 7-րդ կետով՝

Հ Ր Ա Մ Ա Յ ՈՒ Մ Ե Մ .

1. Հաստատել Քաղաքացիական ավիացիայի կոմիտեի (այսուհետ՝ Կոմիտե) թռիչքային գործունեության հարցերով փորձագետի կողմից իրականացվող աշխատանքների ծրագիրը՝ համաձայն հավելվածի:

2. Սույն հրամանի կատարման հսկողությունը վերապահել Կոմիտեի գլխավոր քարտուղարին:

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝

 Восстановимая подпись

X 

ՍՏԵՓԱՆ ՓԱՅԱՍԼՅԱՆ

Подписано: PAYASLYAN STEPAN 1109810601

ՍՏԵՓԱՆ ՓԱՅԱՍԼՅԱՆ

Հավելված

Քաղաքացիական ավիացիայի կոմիտեի  
նախագահի 2024 թվականի օգոստոսի 30-ի  
N 456-Ա հրամանի

**Ծ Ր Ա Գ Ի Ր**  
**ԹՈՒՉՔԱՅԻՆ ԳՈՐԾՈՒՆԵՈՒԹՅԱՆ ՀԱՐՑԵՐՈՎ ՓՈՐՁԱԳԵՏԻ ԿՈՂՄԻՑ**  
**ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ**

**I. ՆԵՐԳՐԱՎՄԱՆ ԴԵՊՔԸ ԵՎ ՀԻՄՆԱՎՈՐՈՒՄՆԵՐԸ**

1. Քաղաքացիական ավիացիայի կոմիտեին (այսուհետ՝ Կոմիտե) վերապահված գործունեության ոլորտում որոշակի ծրագրերի (այսուհետ՝ Ծրագիր) իրականացմամբ պայմանավորված՝ նպատակահարմար է ներգրավել պայմանագրային հիմունքներով համապատասխան փորձագետ:
2. Ծրագրի իրականացման անհրաժեշտությունը և պահանջները սահմանված են «Միջազգային քաղաքացիական ավիացիայի մասին» կոնվենցիայի թիվ 1 և թիվ 6 հավելվածներով և Քաղաքացիական ավիացիայի միջազգային կազմակերպության (ԻԿԱՕ) Դոկ. 8335 փաստաթղթով:

**II. ՓՈՐՁԱԳԵՏԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ**

3. Փորձագետին ներկայացվող պահանջներն են՝ ավիացիոն կրթություն, թռիչքային անձնակազմի անդամի վկայականի և 2500 թռիչքաժամի առկայություն, առնվազն 5 (հինգ) տարվա ավիացիոն աշխատանքային ստաժ, մասնագիտական լիազորությունների հետ կապված իրավական ակտերի անհրաժեշտ իմացություն, տրամաբանելու, տարբեր իրավիճակներում կողմնորոշվելու ունակություն, անհրաժեշտ տեղեկատվության տիրապետում, համակարգչով ու ժամանակակից այլ տեխնիկական միջոցներով աշխատելու ունակություն, անգլերեն լեզվի իմացություն, որը թույլ է տալիս կիրառել այդ լեզվով հրատարակված տեխնիկական գրականությունը:

**III. ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ ԺԱՄԱՆԱԿԱՀԱՏՎԱԾԸ**

4. Փորձագետը ներգրավվում է մեկ տարի ժամկետով:

**IV. ԱՇԽԱՏԱՆՔՆԵՐԻ ԱԿՆԿԱՎՈՂ ԱՐԴՅՈՒՆՔՆԵՐԸ**

5. Փորձագետը Ծրագրի 4-րդ կետով նախատեսված ժամանակահատվածում իրականացնում է Ծրագրով նախատեսված հետևյալ աշխատանքները:

- 1) իրականացնում է վերահսկողություն՝ ստուգումներ Հայաստանի Հանրապետությունում օտարերկրյա օդանավերի թռիչքների անվտանգության գնահատման (SAFA) ծրագրով:
- 2) մշակում է թռիչքային գործունեությունը կարգավորող նորմատիվային փաստաթղթեր և նորմատիվային փաստաթղթերի անհրաժեշտ փոփոխությունների նախագծեր:
- 3) նախապատրաստում է Կոմիտեի թռիչքային գործունեության վարչության առջև դրված գործառույթներից և խնդիրներից բխող իրավական ակտերի նախագծեր, առաջարկություններ, եզրակացություններ, այլ փաստաթղթեր, ինչպես նաև դրանց վերաբերյալ մեթոդական պարզաբանումներ և ուղեցույցեր:
- 4) իրականացնում է կառավարության տեսչական ստուգումներ Հայաստանի Հանրապետությունում գրանցված օդանավ շահագործող ընկերություններում:

#### **V. ՀԱՇՎԵՏՎՈՒԹՅՈՒՆ ՆԵՐԿԱՅԱՑՆԵԼՈՒ ԺԱՄԿԵՏՆԵՐԸ**

6. Փորձագետը վեց ամիսը մեկ ներկայացնում է հաշվետվություններ Կոմիտեի նախագահին (այսուհետ՝ Նախագահ):
7. Փորձագետի կողմից կատարված աշխատանքի արդյունքը գնահատվում է Նախագահի կողմից՝ բավարար, լավ կամ գերազանց:

#### **VI. ԱՇԽԱՏԱՆՔՆԵՐԻ ԳՆԱՀԱՏՄԱՆ ՉԱՓԱՆԻՇՆԵՐԸ**

8. Աշխատանքը գնահատվում է ըստ փուլերի՝ վեց ամիսը մեկ և ամփոփիչ փուլ:
9. Աշխատանքը գնահատվում է վեց ամիսը մեկ ներկայացված հաշվետվությունների հիման վրա, որի արդյունքում երևում է, թե տվյալ ժամանակահատվածում փորձագետն իր առջև դրված խնդիրների որ մասն է իրականացրել:
10. Գնահատման համար չափանիշները սահմանվում են ըստ 4-րդ բաժնի 5-րդ կետի 1-4-րդ ենթակետերով սահմանված աշխատանքների արդյունքների:
11. Համապատասխանաբար վերջնարդյունքների չափանիշներն են՝
  - 1) 4-րդ բաժնի 5-րդ կետի 1-ին ենթակետով սահմանված ստուգումներ իրականացնելուց հետո ներկայացրել է համապատասխան ստուգաթերթիկներ և զեկուցագրեր:
  - 2) մշակել է թռիչքային գործունեության պահանջների տեխնիկական և ադմինիստրատիվ նորմատիվային փաստաթղթերի նախագծեր և դրանց անհրաժեշտ փոփոխությունների նախագծեր՝ կարգավորող մարմիններից փոփոխություններ ստանալուց հետո:
  - 3) նախապատրաստել է Կոմիտեի թռիչքային գործունեության վարչության առջև դրված գործառույթներից և խնդիրներից բխող իրավական ակտերի նախագծեր,

առաջարկություններ, եզրակացություններ, այլ փաստաթղթեր, ինչպես նաև դրանց վերաբերյալ մեթոդական պարզաբանումներ և ուղեցույցեր.

4) 4-րդ բաժնի 5-րդ կետի 4-րդ ենթակետով սահմանված ստուգումներ իրականացնելուց հետո ներկայացրել է համապատասխան ստուգաթերթիկներ և զեկուցագրեր: